

(清)毛奇齡撰 龐曉敏主編

學苑出版社

毛奇齡全集

第十六冊

目錄

經集

四書賸言 四卷

一

四書賸言補 二卷

一三九

聖門釋非錄 五卷

二二一

逸講箋 三卷

三九五

西河合集

西河合集

四書賸言目

卷一

論語十四條
中庸六條

大學十二條
孟子十一條

卷二

論語七條
中庸二條

大學八條
孟子十五條

卷三


論語七條
孟子十條

大學十一條
中庸一條

卷四

論語三十條
中庸二條

大學二條
孟子十三條



西河合集

蕭山毛奇齡

又名性字晚晴

楊臥柳堂

陸雷文端較

四書賸言

論語古二十一篇出孔氏壁中有兩子張謂卽堯曰章後子張問從政別爲一篇則未有一章可作一篇者是必別有子張一篇未必是從政章也若齊論語又有問王知道一篇合二十二篇似亦并子張一篇在內但問王知道四字相聯不合亦必問王一篇知道一篇其曰一篇者亦誤也當時安昌侯張禹能通

古齊魯三家論語以授成帝則在漢末尙未亡至西
晉何晏爲魯論集解然後古齊二論漸不可考耳
學記云古之王者建國親人教學爲先則是建國立
學之義本在親人卽親民也王文成公釋大學謂親
民親字不必改作新字以此

大學不分經傳雖夫子出言成經然在漢以前多以
傳稱如易繫詞稱大傳彖詞象詞稱彖傳象傳漢武
謂東方朔曰傳曰時然後言人不厭其言則論語稱
傳卽孝經已稱經而成帝賜翟方進冊書云傳曰高
而不危所以長守貴也亦稱爲傳可見

漢藝文志有中庸說二篇則中庸在漢世早已單行。若隋經籍志載梁武帝著中庸講義一卷猶後此者也。俗以中庸爲宋儒表章誤矣。

論語子謂仲弓章以犁牛之子騂且角爲喻按仲弓冉雍之字家語謂是伯牛之族人而其父行賤故云史記弟子傳亦同獨王克論衡謂母犁犢騂無害犧牲祖濁裔清不妨奇人鯀惡禹聖叟頑舜神伯牛寢疾仲弓潔全顏路庸固回傑超倫孔墨祖愚丘翟聖賢竟以犁牛指伯牛仲弓者伯牛之子殊爲可怪但王克漢人近古且其人博通墳典必非漫然無據而

爲是言者先仲氏曰伯牛名耕耕與犁通如司馬牛本名耕而孔安國謂名犁字子牛以耕卽犁也則伯牛本名犁其曰犁牛之子者但言耕牛以暗刺其名與氏所云色雜旁見也若然則仲壬此言似亦真可信者通人多怪語以世之聞者或寡耳

冶城客論無錫陳公懋云論語斯知仁矣仁字是人字與宰我問井有仁焉之仁同皆是以字音致誤卽周易繫詞何以守位曰仁晁以道僞古本作人字亦此類

班昭上疏云論語曰能以禮讓爲國於從政乎何有

賈逵上書亦云孔子稱能以禮讓爲國於從政乎何有則漢時論語本必有多於從政三字者且于本文較明白或云是古論齊論非魯論本然亦未可考

家語于論語其未得之也患弗得之多弗字王符潛夫論于愛日篇曰孔子病夫未之得也患不得之與家語同

論語貧而樂富而好禮坊記引子云作貧而好樂富而好禮多好字嘗在史館益都相公竊言入直時有詞臣進頌以貧樂好禮對句不敵傍一臣引坊記正之衆不語獨

今上云不然。史記弟子傳與後漢東平王論皆作貧而樂道富而好禮。比偶悉敵未嘗不對也。羣臣皆伏地咋舌不能起。始知經學無盡諸生倣八比事君輒矜學者其慚歎何可勝道。第不審萬幾乙覽輒何能博洽至此。

註疏引孔安國註亦曰貧而樂道富而好禮。

漢王吉傳今民大饑而死死又不葬爲大豬所食人至相食而廐馬食粟苦其太肥氣盛怒至乃曰步作之王者受命于天爲民父母固當若是乎此偕孟子語疏而爲言。

南史臨汝侯嘲羅研蜀人好亂研曰若令家富有五
母之雞一母之豕牀上有百錢布被甌中有數升麥
飯雖蘓張巧說于前韓白按劍于後將不能一夫爲
盜况貪亂乎此亦疏孟子爲言

論語人不知而不愠孔疏原有二義一是不知學一
是不知我今人但知後說似于本章言學之意反未
親切何平叔云凡人有所不知君子不怒其云有所
不知者言學有所不解也君子不怒者猶言君子易
事不求備也蓋獨學共學教人以學皆學中事夫子
一生祇學不厭教不倦自言如此

見默
識節

門弟子言如

此

見公西華節

後人言如此

子見孟

故首章卽以此發明之

且分作節次此正指誨入一節故魏文靖講學佗山

有學者辨論不釋拂形于色文靖曰人自不知于我

何愠正得此意若云遯世無悶毋論遯世非學中事

卽以學仕言學求用世而反以遺世可乎

孔仲達解易不見是而無悶亦云目中所見無一是

處不以爲悶則遯世是不知我見是是不知學分

觀益明

爾雅有如切如磋者道學也十二句卽大學文也相

傳爾雅爲周公所作則周公不宜釋孔子之書若謂

爾雅釋言以後係仲尼弟子子夏之徒所增則未有
曾子門人所輯之書而子夏輩卽能釋之入爾雅者
以曾子後于子夏輩曾子之門人則又後于曾子也
若謂爾雅不必定何人作則安見大學可定爲曾子
作者試亦思之

相傳莊烈帝入小學時問司禮官何謂子程子答曰
子者尊之之詞曰何不曰子孔子司禮無以應按公
羊傳子沈子曰註曰沈子稱子冠字上者著其爲師
也不冠以子者他師也然則大學朱傳稱程伊川爲
子程子豈亦以伊川爲已師也與若國語吳使王孫

雄行成于越。范蠡不許。雄呼曰。子范子。又曰。子范子。則王孫雄未嘗師范蠡。而亦加子字。古人偶稱謂原無定解。何必襲此。

陸石庵會語支言曰。易曰。八卦而小成。孟子孔子之謂集大成。而不知有中成之說。蓋伏羲之易爲小成。神農之易爲中成。黃帝之易爲大成也。予謂尙書有古文。今文。而不知有中文。後漢書有中文。尙書又嘗輯通韻。見廣韻。平聲有上平。下平。而金時韓道昭作五音集韻。又有中平。同年尤悔庵入史館。作外國竹枝詞。註西洋歐羅巴國有小學。有大學。有中學。